

**TEKS UCAPAN NAIB CANSOLOR SEMPENA PERASMIAN MAJLIS
MINGGU HALUAN SISWA UTeM SESI 2012/2013**

**BERTEMPAT DI DEWAN BESAR UTeM KAMPUS INDUK,
DURIAN TUNGGAL PADA
04/09/2012 (SELASA) JAM 2.30 PTG**

1 |

BISMILLAHIRRAHMANIRRAHIM,

ASSALAMUALAIKUM WRT WBT & SALAM SEJAHTERA.

YBHG. PROF. DATO' DR. MOHAMAD KADIM BIN SUAIDI
TIMBALAN NAIB CANSOLOR (AKADEMIK & ANTARABANGSA),

YBHG. PROF. IR. DR. MOHD JAILANI BIN MOHD NOR
TIMBALAN NAIB CANSOLOR (PENYELIDIKAN & INOVASI),

YBHG. ENGR. PROF. DR. MARIZAN BIN SULAIMAN
PENOLONG NAIB CANSOLOR (HAL EHWAL PELAJAR & ALUMNI),

YBHG. PROF. DR. MUHAMMAD GHAZIE BIN ISMAIL
PENOLONG NAIB CANSOLOR (JARINGAN INDUSTRI & MASYARAKAT)

PEGAWAI-PEGAWAI KANAN UNIVERSITI,

2 |

SETERUSNYA MAHASISWA MAHASISWI SERTA HADIRIN DAN HADIRAT YANG SAYA HORMATI.

ALHAMDULILLAH BERSYUKUR KITA KE HADRAT ALLAH SWT YANG TELAH MEMBERI KESEMPATAN UNTUK BERHIMPUN BERSAMA WARGA TERBARU UT_eM IAITU MAHASISWA MAHASISWI BAGI SESI 2012/2013 DI DEWAN SERI NEGERI PADA PETANG YANG BERSEJARAH INI. SAYA BAGI PIHAK SELURUH WARGA UT_eM MENGAMBIL KESEMPATAN UNTUK MENGUCAPKAN SELAMAT DATANG KEPADA SEMUA MAHASISWA MAHASISWI BARU KE NEGERI BERSEJARAH YANG INDAH DAN HARMONIS INI. SEKALIGUS SELAMAT MENJADI SEBAHAGIAN DARIPADA KELUARGA UT_eM SECARA RASMINYA. TIDAK LUPA SAYA MENGUCAPKAN SETINGGI TAHNIAH KERANA TELAH TERPILIH MELANJUTKAN PELAJARAN DI SINI.

TUAN/PUAN/PARA MAHASISWA MAHASISWI YANG SAYA HORMATI.

3 |

UT_eM TELAH DITUBUHKAN PADA DISEMBER 2000 DENGAN NAMA KOLEJ UNIVERSITI TEKNIKAL KEBANGSAAN MALAYSIA (KUTKM) DAN MERUPAKAN INSTITUT PENGAJIAN TINGGI AWAM (IPTA) YANG KE-14. SEJAK AWAL PENUBUHANNYA SEHINGGA KINI UT_eM TELAH MENGALAMI PERKEMBANGAN PESAT DARI SEGI PROGRAM AKADEMIK, SUMBER MANUSIA DAN PEMBANGUNAN FIZIKAL KAMPUSNYA. UT_eM TERUS MENDOKONG ASPIRASI UNTUK MENCAPAI VISI MENJADI UNIVERSITI TEKNIKAL TERKEMUKA DI DUNIA.

BAGI MENCAPAI HASRAT INI, UT_eM TELAH MENYEDIAKAN PELAN STRATEGIK UNIVERSITI YANG KOMPREHENSIF, YANG BERSUMBERKAN PELAN STRATEGIK PENGAJIAN TINGGI NEGARA (PSPTN) SEBAGAI PANDUAN.

UNTUK PENGETAHUAN PARA MAHASISWA MAHASISWI SEKALIAN, UT_eM KINI MENAWARKAN PENGAJIAN PADA PELBAGAI PERINGKAT TERMASUK DIPLOMA, IJAZAH SARJANA MUDA, SARJANA DAN DOKTOR FALSAFAH. BERMULA DARI PENGAMBILAN PELAJAR

4 |

KUMPULAN PERTAMA SERAMAI 349 ORANG PADA JUN 2001, UTeM KINI MEMPUNYAI PELAJAR MENCECAH 9,000 ORANG.

BARU-BARU INI UTeM MENERIMA 300 ORANG PELAJAR BARU DIPLOMA BAGI SESI 2012/13, INI TIDAK TERMASUK PELAJAR DIPLOMA SEDIA ADA IAITU SERAMAI 1,253 ORANG. BILANGAN PRA SISWAZAH SEHINGGA KINI PULA ADALAH SERAMAI 6,667 DENGAN TAMBAHAN ANGGARAN 2000 ORANG BAGI KEMASUKAN SESI 2012/2013 INI, MANAKALA 839 PELAJAR LAGI DI PERINGKAT PASCA SISWAZAH. INI MENJADIKAN WARGA MAHASISWA MAHASISWI UTeM TELAH MENCECAH SEKITAR 11,059 ORANG. INI TIDAK TERMASUK KES RAYUAN YANG SEDANG DIBUKA SEKARANG INI.

SEBAGAI MAKLUMAN PERANGSANG BAGI MAHASISWA MAHASISWI BARU, SETAKAT INI UTeM TELAH BERJAYA MENGELUARKAN GRADUAN SERAMAI 7,013 ORANG BERMULA DARIPADA KONVOKESYEN PERTAMA PADA TAHUN 2005.

5 |

ADALAH DIJANGKAKAN SERAMAI 1,164 ORANG LAGI AKAN MENERIMA IJAZAH MASING-MASING PADA KONVOKESYEN KE-8 PADA OKTOBER TAHUN INI DI DEWAN BESAR UTeM, KAMPUS INDUK DURIAN TUNGGAL. DETIK BERSEJARAH INI AKAN MENJADIKAN JUMLAH KESELURUHAN GRADUAN UTeM MENINGKAT 8,177 ORANG. INI MERUPAKAN PENCAPAIAN YANG AMAT MEMBERANSANGKAN MEMANDANGKAN PENINGKATAN BERLAKU DI DALAM MASA YANG AGAK SINGKAT. SELAIN ITU PENINGKATAN JUMLAH PELAJAR INI JUGA MELAMBANGKAN KEMATANGAN UTeM SENDIRI.

TUAN/PUAN/PARA MAHASISWA MAHASISWI YANG SAYA HORMATI.

PADA AWAL PENUBUHAN, UTeM MEMULAKAN OPERASINYA DI LOT RUMAH KEDAI DI TAMAN TASIK UTAMA, AYER KEROH. KEMUDIANNYA MULA BEROPERASI DI TIGA KAMPUS IAITU KAMPUS INDUSTRI AYER KEROH, KAMPUS BANDAR JALAN HANG TUAH DAN KAMPUS INDUK DURIAN TUNGGAL. PENSTRUKTURAN SEMULA KAMPUS UNIVERSITI

6 |

TELAH DIBUAT UNTUK MENGOPTIMUMKAN SUMBER DAN MENINGKATKAN KESELESAAN PELAJAR.

FOKUS TERHADAP PEMBANGUNAN KAMPUS BANDAR ADALAH TERARAH KEPADA BIDANG PENGURUSAN DAN PROGRAM PEMBELAJARAN SEPANJANG HAYAT IAITU DENGAN MENEMPATKAN FAKULTI PENGURUSAN TEKNOLOGI DAN TEKNOUSAHAWAN SERTA PENAWARAN KURSUS-KURSUS JANGKA PENDEK DAN PROGRAM-PROGRAM EKSEKUTIF.

PEMBANGUNAN KAMPUS INDUK UT_eM MELALUI PERUNTUKAN DALAM RMK9 YANG TELAH PUN DISEMPURNAKAN SEPENUHNYA PADA 2009. IA TERMASUKLAH PEMBINAAN MASJID, PERPUSTAKAAN, PUSAT PENGAJIAN SISWAZAH DAN PUSAT PERSATUAN PELAJAR. KEADAAN INI SUDAH TENTUNYA MENYOKONG KE ARAH SUASANA PEMBELAJARAN YANG LEBIH CERIA DAN KONDUSIF KEPADA PELAJAR UT_eM.

71

KESELESAAN PELAJAR SENTIASA MENJADI PERHATIAN DAN KEUTAMAAN UNIVERSITI. BAGI MEREALISASIKAN MAKSUD TERSEBUT, BEBERAPA BLOK KEDIAMAN SEDANG DIBINA DI DALAM KAWASAN KAMPUS INDUK YANG MAMPU MENAMPUNG MELEBIHI 1,000 ORANG PELAJAR DALAM SATU MASA DAN DIJANGKA SIAP SEPENUHNYA PENGHUJUNG TAHUN INI.

DARI ASPEK CAPAIAN TEKNOLOGI MAKLUMAT, UNIVERSITI TELAH MEMENUHI KEPERLUAN PELAJAR INI DENGAN MENYEDIAKAN PERKHIDMATAN INTERNET SECARA PERCUMA DENGAN KAPASITI KELAJUAN 50 MEGABAIT PERSAAT. PELAJAR JUGA BOLEH MENGGUNAKAN KEMUDAHAN INI DI MAKMAL KOMPUTER SERTA DEWAN SIBER YANG MENEMPATKAN SEJUMLAH 500 KOMPUTER. PENGGUNAAN INTERNET TANPA WAYAR JUGA TURUT DISEDIAKAN TERMASUK DI KAFETERIA, PERPUSTAKAAN SERTA BEBERAPA KAWASAN LAIN YANG AKAN DIPERLUASKAN KELAK BAGI TUJUAN PEMBELAJARAN.

81

TUAN/PUAN/PARA MAHASISWA MAHASISWI YANG SAYA HORMATI.

SELEPAS LEBIH 11 TAHUN DITUBUHKAN, UTeM TELAH SEMAKIN BERPERANAN BAGI MELAHIRKAN MODAL INSAN UNTUK PEMBANGUNAN NEGARA. PIHAK UNIVERSITI AKAN TERUS MENUNAIKAN TANGGUNGJAWABNYA MENGELUARKAN GRADUAN YANG BERKUALITI DALAM BIDANG KEJURUTERAAN, TEKNOLOGI MAKLUMAT DAN YANG SEUMPAMANYA.

PROGRAM MINGGU HALUAN SISWA YANG DIADAKAN MULAI 2 HINGGA 7 SEPTEMBER INI MERUPAKAN USAHA PIHAK UNIVERSITI UNTUK MEMBERI PENDEDAHAN KEPADA MAHASISWA MAHASISWI BARU MENGENAI MAKLUMAT UNIVERSITI YANG PERLU DIKETAHUI BAGI MEMUDAHKAN URUSAN PEMBELAJARAN MEREKA DI SINI. IA TERMASUKLAH MAKLUMAT BERKAITAN PROGRAM AKADEMIK DAN KEMUDAHAN-KEMUDAHAN LAIN YANG DISEDIAKAN OLEH UNIVERSITI. IANYA PENTING KERANA MAKLUMAT-MAKLUMAT INI BOLEH

9 |

DIJADIKAN PANDUAN KEPADA MAHASISWA MAHASISWI BARU SEPANJANG TEMPOH PENGAJIAN DI UTeM.

MINGGU HALUAN SISWA YANG DIADAKAN INI MERUPAKAN TEMPOH KEPADA MAHASISWA MAHASISWI BARU MENYESUAIKAN DIRI DENGAN SUASANA PEMBELAJARAN UNIVERSITI YANG BERBEZA DENGAN ALAM PERSEKOLAHAN. HARI INI ANDA TELAH MENCAPAI IMPIAN UNTUK BERADA DI MENARA GADING IAITU CITA-CITA YANG TELAH DITANAM SEJAK DIBANGKU SEKOLAH LAGI.

UNTUK ITU APABILA BERADA DI SINI JANGANLAH SEKALI-KALI DISIA-SIAKAN PELUANG YANG ADA. BERUSAHALAH DENGAN BERSUNGGUH-SUNGGUH UNUTK MENJADI PELAJAR CEMERLANG ATAU MODAL INSAN KELAS PERTAMA, YANG SETERUSNYA MENYUMBANG KE ARAH PEMBANGUNAN NEGARA. INI MENUNTUT MAHASISWA MAHASISWI MEMPERKASAKAN DIRI DENGAN MEMILIKI KESARJANAAN ILMU, KETRAMPILAN SAHSIAH DIRI, KECEMERLANGAN KEPIMPINAN DAN MENGUASAI KEMAHIRAN INSANIAH.

10 |

SESUNGGUHNYA ILMU MEMAINKAN PERANAN YANG CUKUP PENTING DALAM MEMBANGUNKAN TAMADUN MANUSIA. DUNIA GLOBALISASI HARI INI MEMERLUKAN MODAL INSAN YANG BERPENGETAHUAN LUAS AGAR DAPAT BERSAING KHUSUSNYA DALAM BIDANG SAINS DAN TEKNOLOGI.

ILMU YANG DIPEROLEHI MEMERLUKAN PENGHAYATAN DAN DIAPLIKASIKAN DALAM KEHIDUPAN, YANG SETERUSNYA MEMBENTUK PRINSIP HIDUP DAN MEMBINA MINDA. MAHASISWA YANG BERILMU BERTINDAK SECARA PROAKTIF, PROGRESIF DAN DINAMIK UNTUK MEMBANGUNKAN NEGARA KE ARAH NEGARA INDUSTRI DAN MALAYSIA MAJU.

SEPERKARA LAGI YANG PERLU DIAMBIL PERHATIAN MAHASISWA MAHASISWI SEKALIAN IALAH MENJAGA PERPADUAN WARGA KAMPUS. AMBILLAH KESEMPATAN INI UNTUK BERINTERAKSI DENGAN PELBAGAI LAPISAN MASYARAKAT DAN KAUM YANG ADA DI DALAM KAMPUS. INI AKAN MENGERATKAN PERPADUAN KAUM DAN

11 |

MENYEMAI PERASAAN TOLERANSI, YANG PADA PENGAMATAN SAYA SEMAKIN DIPINGGIRKAN OLEH GENERASI SEKARANG.

BERTEPATAN DENGAN TEMA MINGGU HALUAN SISWA PADA KALI INI IAITU "*CERIA MENGHADAPI CABARAN*", DIHARAPKAN AGAR ANDA SEMUA BUKAN SAHAJA TABAH MALAH SENTIASA MENERIMA SEGALA CABARAN DAN DUGAAN DENGAN HATI DAN MINDA YANG TERBUKA DALAM MENGHADAPI TEMPOH PENGAJIAN DI SINI. BAGI MEMASTIKAN HASRAT INI TERCAPAI, MAKA MAHASISWA MAHASISWI PERLU MEMPUNYAI PERSONALITI UNGGUL DENGAN MENANAMKAN NILAI-NILAI POSITIF SEPERTI JATI DIRI, BERKEYAKINAN TINGGI, BERWIBAWA, MAMPU BEKERJASAMA SERTA BERTOLERANSI. TUNTUTAN SEMASA AMAT PERLU BAGI ANDA MENGUASAI KEMAHIRAN INSANIAH DALAM MENGHADAPI ARUS GLOBALISASI YANG SEMAKIN DERAS AGAR ANDA DAPAT TERUS KEKAL KOMPETETIF KERANA ANDA SEMUA ADALAH ASET YANG SANGAT BERTERHARGA KEPADA NEGARA.

12 |

AKHIR KATA DARI SAYA, JUTAAN TAHNIAH SEKALI LAGI KEPADA SEMUA MAHASISWA MAHASISWI BARU KERANA TELAH BERJAYA MENJEJAKKAN KAKI KE UTeM SERTA SELAMAT MAJU JAYA.

DUA RANGKAP PANTUN DARI SAYA..

DALAM BAKUL ADA PERMATA,
PERMATA INDAH PELBAGAI WARNA,
BELAJAR DAHULU SEBELUM BERMULA,
SUPAYA HIDUP KEKAL BERJAYA.
LAMA DIIDAM SI BUAH KUNDANG,
PENAT Mencari Pagi ke Petang,
JANGAN UNDUR NANTI KECUNDANG,
WALAU BESAR RINTANGAN MENDATANG.

SEKIAN, TERIMA KASIH.

WABILLAHITAUFIK WALHIDAYAH WASSALAMUALAIKUM WRT WBT.
